



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

14 De modestia circa res externas, & præsertim ornatum corporis.

[urn:nbn:de:hbz:466:1-72459](#)

Vtatur, est aliquid peccatum, ratione immoda cupiditatis, ex qua ordinari tunc procedit. Quinto, Ratione qualitatis materia prohibite ad ludum usurpari. Sic olim ludus aleatum (quo nomine omnes fortuitum euentum habentes continentur) prohibitus erat ob varia incommoda, quae inde sequebantur illa tamen lex iam pridem contraria sua est abrogata. Tales enim ludi maxime rationem ludi habent, quia animunt attentione non fatigant, & incerto euentu excitant ac recreant. Qui autem multa attentione opus habent, ut est ludus latrunculorum, pessimi sunt ad finem ludi, vt Caietanus ait; ad vitandum tamen otium optimi. Vnde huiusmodi numquam vetiti; quia vita-
tio otii maximè necessaria. Sexto, Ratione modi; ut si quis vtratur fraude contra leges ludendi, de quo supra lib. 2. cap. 26. d. 2.

Defectu quoque in his peccati potest. Primo, Quando quis egit hac animi remissione, & eam præ austerioritate animi non vult admittere. Secundo, Quando alius sua austerioritate molestum se exhibet, honestos eorum ludos & locos non admittens: hoc tamen vitium minus est peccatum quam excessus: sicuti minus malum est nimis aspernari voluptates, quam nimis eisdem sectari. Tales vocat Aristoteles libro 4. Ethic. cap. 8. σκληροὶ δύσις, duros & agrestes: & qui iocis excedunt, οὐ πολόχους, scurriles.

DUBITATIO XIV.

De modestia circa res externas, & praesertim ornatum corporis.

D. Thomas q. 169.

100 **S**icut circa motus & gestus exteros tum in se-
riis tum in ludicris versatur quedam virtus &
vitium, ed quod secundum nostram rationem vel
contra temperari possunt: ita circa exteriorum
apparatum & cultum (quatenus hic nostris actionibus,
& consequenter dispositioni rationis sub-
est) est virtus quedam, quæ est species modestiae,
& vocari potest modestia cultus. Ea sic definitur po-
test: *Modestia cultus est, quæ in rerum externalium
apparatu, rationis moderationem adhibet. vel sicut:
decorum in cultu corporis, & alio rerum externalium
apparatu seruat.*

101 **M**ateria huius virtutis est, remota quidem, ex-
ternus apparatus, consistens maxime in cultu or-
natuque corporis, domus, supellestilis, & coniu-
niuorū: proxima verò sunt nostre actiones, quibus ista procuramus & vtimur. Forma verò, quam huic materiæ imprimitur, est congruentia ad personam, ad receptam consuetudinem, ad tempus, locum, negotium præsens, &c. Facit enim hac virtus, ut exterior apparatus talis sit ut congruat per-
sonæ, spectata in ordine ad consuetudinem, locum, tempus, & reliquias circumstantias, idque ex affectu honestatis, quæ in ea re elucet. si enim aliquis affectu fieret, non esset actus huius virtutis, nisi ratione materiæ.

Peccatus dupliciter.
1. Per ex-
cessum.
Si contra
consuetudi-
nem vel su-
pra statu-

Per excessum dupliciter. Primo, Ratione ipsius cultus, nimis quando per se talis est, ut non congruat receptæ consuetudini proborum in tali loco. Quo pertinet omnis insolentia apparatus in

coniuiri, in vestibus, & similibus, à peregrinis gentibus mutuata, & à consuetudine patriæ abhorrens: & quidquid in loco vbi vivit, censetur supra conditionem status; vtrumque enim est in ordinatum, & vanitatem vel delicias redolens. Accedit etiam quod surpis sit omnis pars suo universo non congruens, vt dicit D. Augustinus lib. 3. Confess. cap. 8.

Secundo, Ratione affectus ipsius hominis, qui istis rebus ambitiosè, deliciosaè, vel luxuriosaè vti-
tur. vnde D. Augustinus lib. 3. de doct. Christ. c. 12. ait: *In omnibus talibus (scilicet externis) non vñs
rurum, sed libido vñtis in culpa est. Et infra: In
omnibus rebus, non ex earum rerum natura, quibus
vñtimur; sed ex causa vñtendi, & modo appetendi vñt
probandum est vel improbandum quod facimus. Po-
test autem iste affectus esse inordinatus, vel ex parte
finis, vel ex parte agentis. Ex parte finis, vel pro-
pinqui & quasi intrinseci; ut si ex cultu corporis
quaratur vanam gloriam apud homines, vel delicias apud se (ad vtrumque enim horum cultus corporis referri potest: quia est corporis & ornamenti & fons: ut ornamentum, ad vanam gloriam; ut fomentum, ad delicias.) Vel ex parte finis remoti & extrinseci; ut si per talem cultum
intendat pellicere ad impuros amores.*

Ex parte agentis affectus est inordinatus, quando nimum studium in huiusmodi rebus ponitur, ut sapientia faciunt feminæ, aliquot horas in le ornandi ponentes; & molliculi iuuenes ut femina compiti: hoc ad quandam curiositatem pertinet. sed hæc inordinatio tardè est sola; quia ferè semper ad vanam gloriam, vel delicias, vel ad libidinem, vel ad hæc omnia simul ordinatur.

Per defectum quoque dupliciter hæc peccatur. 104
Primo, Ex parte agentis, ratione negligentie; cum quis præter decorum, in cultu corporis & rerum suarum est negligentior. Secundo, Ex parte finis, ut si ex vilitate cultus quaratur vana gloria, quod ad hypocritismus pertinet. De quo D. Augustinus lib. 2. de Serm. Domini in monte, cap. 19. *In hoc, inquit, capitulo maxime aduertendum est, non in solo
rerum corporarum nitore atque pompa, sed etiam in
ipso ardore luctus esse posse iactantiam; & eo per-
iculosest, quo sub nomine servitius Dei decipit.* Idem lib. 3. de doct. Christ. cap. 12. *Quisquis, in-
quit, rebus prætereruntibus restrictus vñtus quam-
se habent mores eorum cum quibus vñt, ant tem-
perans, aut superstitionis est. Superstitionem vocat,
quod putet huiusmodi re externa numen coli, qua ille ad vanam gloriam abutitur.*

Quod ad rationem peccati attinet, Aduerten-
dum est esse peculiarem difficultatem de excessu *de ornata
ornatus femininarum per pigmenta & comam ap-
feminaria.* posititiam, per intortos capillos, per pectoris nu-
ditatem, per ornamenta aurea & gemmata, per no-
vas vestium formas; præsertim si his vñtrant supra
statum, vel præter receptam consuetudinem. Vi-
detur enim talis excessus per se esse letalis, et *Cur videri
iam nullus malus finis extrinsecus intendatur, possit pec-
catu mor-
tiferum.* Primo, Propter scandalum, quia talis ornatus al-
licit intuentes ad libidinem, & istatum concipi-
scientiam. Secundo, Quia adulterant opus Dei, &
illud emendare volunt; quod in iniuriam cedit au-
toris. Tertiò, Quia Scriptura & Patres hunc ex-
cessum graueriter reprehendunt: nam 1. Per. 3. sic di-
citur: *Quarū non sūt extrinsecus capillatura, aut cir-
cūdatio auri, aut indumentū vestimentorū in vñtus.*

vñtus

vbi prohibetur cultus, id est, ornatus (Græcè *κοσμος*) capillaturæ, moniliuum aureorum, & indumentorum. In quem locum Glossa ex Cypriano: *Sericò & purpura induit Christum sincere induere non possunt: auro & margaritis adornata & monilibus, ornamenti mentis & corporis perdiderunt.* Et i. ad Tim. 2. *Similiter & mulieres in habitu ornato, (id est, decoro) cum verecundia & sobrietate ornantes se, & non in tortis crinibus, aut auro, aut margaritis, vel veste pretiosæ; sed quod decet mulieres, promittentes pietatem per opera bona.* Cyprianus libro de disciplina & habitu virginum, *Ceteram, inquit, si tu te sumptuosus comas, & per publicum uotabiliter incedas, oculos in te iuuentutis illicias, suspisia adolescentium post te trahas, concupiscendi libidinem nutritas, suspiriandi fomenta succendas; vt, et si ipsa non pereas, alios tamen perdas, & velut gladium te ac venenum videntibus prebeas: excusari non potes quasi mente casta sis, & pudica.* Vbi agit contra illas, quæ eriam nullo male fine se ornant, & vult id esse non solum scandalum, sed etiam contra castitatem. Idem docet, artem fucandi à diabolo mortalibus traditam. *Illi, scilicet dæmones, & oculos circumducto nigrore fucare, & genas mendacio ruboris inficere, & mutare adulterinis coloribus crinem, & expugnare omnem oris & capitis veritatem, corraptela sua impugnatione docuerunt.* Deinde ostendens per hoc Deo fieri iniuriam, ait: *Eit iniuria Manus Deo inferunt, quando id, quod ille formauit, reformare & transfigurare contendunt, nescientes quia Dei opus est omne quod nascitur, diaboli quodcumque mutatur.* Declarat id exemplo periiti pectoris, qui iure indignatur, si quis imperitus opus eius iam perfectum emendare velit. deinde addit: *Tu te existimas impune latram tam improba temeritatis audaciam, Dei artificis offensam? Ut enim impudica circa homines, & incesta facies lenocinantibus non sis; corrupris violatisque quae Dei sunt, peior adultera detineris. & infra: Audaci conatu, & sacrilego contemptu crines tuos infici, malo præ sagio fætororum, capillo tibi flammes aufer caris, & paulò post: Deum videre non poteris, quando oculi tibi non sunt quos Deus fecit, sed quos diabolus infecit. Illam tu secessata es, rutilos atque depilos oculos serpentis imitata es, de inimico tuo compita, cum illo pariter & arsura.* Quæ omnia indicant id esse peccatum mortale. Denique mortale esse videtur commutatio vestium inter virum & feminam, ut colligitur Deuteronomij 22. *Non induetur mulier veste virili, nec vir uestitur ueste feminea: abominabilis enim apud Deum est qui facit hec: at qui non minor est inordinatio in excessu ornamentorum, ergo, &c.*

106
Sententia
quorundam.

Ob hæc argumenta quidam Doctores putant in tali excessu esse peccatum mortale. Primò, Quando pulchritudo queritur apertione pectoris & mamillarum. Secundo, Quando per fucos. Tertiò, Quando curiosis, pretiosis & superfluis vestibus supra conditionem status. Ita Angelus v. Ornatus, num. 3. 4. & 6. citatque Alexandrum Halensem.

Contraria
verior.
Quadru-
plex finis
vestium.

Sed contraria sententia est communior Doctorum. Pro qua Notandum est, Cultum corporis posse ordinari ad quatuor fines. Primus est, Fovere corpus, & contra injurias aëris defendere. Secundus, Tegere verecunda naturæ. Ex his duobus illud est necessitas, hoc communis honestatis. Tertius est, Ornare hominem secundum suum

statum. Quartus, Efficere pulchrum, & delectabilem aspeçtu. His positis,

Dico Primò, Quius potest petere & procurare cultum corporis non solum necessarium ad corporis fomentum & tegumentum; sed etiam ad sui statutum, mirum ut pro conditione sui status decorè compareat. Ratio est, Quia hoc est laudabile: contrarium vero dedecorum. Dictat enim ratio, ut in vita politica membra singula in suo ordine se alius accommodent, ut aptè sibi mutuo respondent, & decore inter se versari possint. Item ut suum statum in Repub. ornent. Hinc viri nobiles & Magistratus uuntur splendoribus vestibus quam alii, ut suam nobilitatem, vel officij dignitatem declarent. Sic in rebus diuinis adhibent sacerdotes preciosum apparatus, ad declarandam officij illius excellentiam, & maiestatem eius cui seruiunt.

Dico Secundò, Præter hos fines possunt mulieres matrimonio iunctæ, vel ad id aspirantes, in cultu corporis intendere etiam ornatum pulchritudinis. Ita D. Thomas art. 2. ad 4. vbi dicit: *Mulieres licite posse se ornare, ut conservent decentiam sui status; (quod pertinet ad finem tertium) vel etiam aliquid superaddere ut placeant viris.* Vbi aperte præter ornatum necessarium ad decorum status, permittit ornatum, qui sit ob solam pulchritudinem. Idem docet Cajetanus in illius locum, Nauarrus cap. 23. num. 18. & sequentibus, & alijs passim.

Probatur Primò, Quia sicut in viris commendatur robur corporis, & forma masculina, ita in feminis pulchritudo, ut à viris suis amentur, eisque ab extraneis auertant, & ad opus conjugale aspectu sui aliant: unde natura pulchritudinem in feminis posuit, tamquam propriam illius sexus dotem, & veluti illecebram amoris & officij conjugalis, & delectabilioris conuersationis: ergo femina potest eam desiderare ac procurare, & si minor sit, arte iuicare & augere; ita tamen ut in ea modum non excedat.

Secundò, Quia vxor potest appetere viro suo placere, & ea de re esse follicita. Vnde Apostolus 1. ad Corinth. 7. *Quæ autem nupta est, cogitat quæ sunt mundi, quomodo placeat viro: atqui inter cetera, quibus maximè viro placere solet mulier, est pulchritudo.* Vnde sequitur, eriam eas, quæ nondum nuptæ sunt, sed nubere cogitant, ornamenta pulchritudinis sibi possi adscilcere, ut virorum adspectibus placeant, ad commidas nuptias consequendas; nam iusta ratio subest: scilicet est in ijs, quæ nubere nolunt; præsertim si votum non nubendi habeant: hæ enim non possunt se, ut viris placeant, ornare; quia causam ad hoc non habent. in dò hoc est illis dare incentiuum peccandi, vt D. Thomas ait.

Confirmatur utrumque ex diu Augustino Epist. 73. ad Possidum: *Nolo, inquit, de ornamentis auris vel uestis preproperam habetas in prohibendo sententiam, nisi in eos, qui neque coniugati, neque coniugari cupientes, cogitare debent quomodo placeant Deo.* vbi non vult huiusmodi ornamenta facile prohiberi coniugatis, aut ad coniugium aspirantibus, quod sine peccato his vii possint; sed ijs tantum, qui coniugium nolunt: quia in his non subest iusta ratio uti.

Si tamen istæ se se orinent non ut à viris concupiscantur, sed ut censeantur inter pulchras, & laudent-

laudentur ut pulchra, non peccant mortiferè, vt apertè docent D.Thomas & Caetanus locis citatis, Silvester v. Ornatus, qu.4. Rosella n. 12. Fumus num. 1. Nauarrus cap. 23. num. 18. quamvis in eo notabiliter modum excedat, vt Caetanus & Nauarrus notant. Ratio est, Quia id per se non continet grauem inordinationem, sed solum iactantiam & vanam quamdam gloriam. Pari ratione non est peccatum mortiferum in adolescentibus & viris, pulchritudinis esse studiosum, si nullo alio malo fine, sed solum ex simili vanitate id fiat. Est tamen in his magis reprehensibile; quia feminarum est, non virorum, pulchritudinem affectare: vnde etiam Ethnici id turpe iudicabant, iuxta illud:

Sunt procul à nobis iuuenes ut feminae compri.

110 Dico Tertiò, Excessus in hoc ornato per se non est peccatum mortale, sed solum veniale. Ita exceptè diuus Thomas & Caetanus suprà, & reliqui locis citatis.

Probatur Primo, Quia quando aliquid non est per se malum, sed indifferens, excessus in appetitu vel vsu illius, (seposita omni alia malitia extrinseca) non est nisi peccatum veniale, vt patet in appetitu & vsu diuinarum, honorum, voluptatum. vnde & excessus in potu non est peccatum mortale, nisi ratione documenti quod infert, priuando vsu rationis, &c. atqui esse pulchrum, laudem, splendidum in cultu corporis, per se non est malum, sed indifferens: ergo inordinatio, quæ est in nudo excessu istorum, non est mortifera, sed pertinet ad quotidiana peccata, quæ homines in amandis videntur que temporalibus plerumque solent committere: difficile enim est in huiusmodi mensuram rationis seruare.

Secundò, Quia talis excessus neque est contra charitatem Dei, neque proximi, neque ipsius ventis; neque enim honor Dei lreditur, nec proximus, nec ipse ventis: & potest quis cum tali excessu seruare præcepta Dei & Ecclesiæ, & sua sanitatis curam gerere: ergo non est peccatum mortiferum.

111 Nec refert quod adhibeatur fucus & varia pigmenta, & ita interueniat quedam fictio, qua intuentes decipiuntur. quia fictio, quando in nullius cedit detrimentum, non est mortifera. Deinde non est propriè fictio, nisi id fiat eo fine vt intuentes putent hunc colorem esse natuum: at plerumque non eo fine id faciunt, sed solum vt sint & apparent pulchra, abstrahendo à causa vnde id proueniat, vnde etiam fieri potest vt sine peccato videntur. Primò, Causa tegendæ alicuius maculae. Secundò, Si maritus iubeat, nimis ut vxor inter alias magis decora appareat: etiæ enim maritino cupiant adulterina illa fallacia decipi, vt diuus Augustinus loquitur; sèpè tamen vxores suas cupiunt sic ornari. Tertiò, Si aliqua alia rationabilis causa subsistat: sicut Judith & Esther omni genere ornamentorum sibi pulchritudinem conciliarunt, quam & ipse Dominus adauxit. Et quamvis forte aliqui decipiuntur, putantes illam pulchritudinem adscititiam esse natuam, parum id refert: tum quia deceptio non est intenta, sed permissa; & vsus istorum est adeò frequens, vt intuentes facile illud artis mangonium possint suspicari: tum quia etiam si deceptio est intenta, parum interesset, cum sit innoxia, nec limites mendacij officiosi excedat. Denique pingere

faciem, eiisque varios colores inducere, non est per se malum, sed indifferens: similiter per hoc intendere pulchritudinem, & artificio iuuare ac exornare opus naturæ: ergo nihil hic est mali, nisi ratione excessus in affectu & vsu rei indifferens: quia in re non est peccatum mortiferum, vt ostensum est. Idem dicendum de vsu comæ adoptiæ, sutilisque capillamenti, vt Tertullianus loquitur. Sicut enim pellibus & crinibus animantium ad ornatum uti licet, ita etiam capillis humana arte compositis.

De vsu veltis pretiosæ, annulorum, catenarum, & aliorum moniliæ, horumque multitudine & varietate, eadem ferè est ratio; excessus enim in his solum est peccatum ratione profusionis opum, & inordinati effectus erga pulchritudinem. Itaque sicut in his non est per se peccatum mortale, ita nec in illorum vsu. Nec refert, etiam si forma sit noua, & non visitata eo loco: quia etiam si maius tunc sit peccatum, eò quod aliis datur exemplum vanitatis; non tamen est per se mortale, ob rationem supradictam. Vnde nec inventores nouarum formarum mortiferè peccant, quia illæ formæ per se male non sunt; & bonum, sum habere possunt, etiam multi abutantur ad vanam gloriam vel alium prauum finem.

Dico Quartò, Potest tamen in excessu istius 112 ornatus esse peccatum mortiferum per accidentis, Quando sit peccatum mortiferum ratione alicuius prauitatis connexæ.

Primo, Ratione mali finis; vt si fiat animo per trahendi ad libidinem.

Secundò, Ratione præcepti positivi; vt si talis excessus esset veritus aliqua lege sub pena excommunicationis, eaque seruaretur. Quod si lex non habeat annexam penam, vel saltem non grauem, non erit plus quam veniale: imo credibile est, plerasque leges ciuiles de huiusmodi, quæ passim variis locis habentur, esse solum penales, & obligare tantum ad mulierem.

Tertiò, Ratione scandali; vt si quis vteretur veste adeò tenui, vel ita conformata, vt per eam pudenda non sati sigerentur: id enim iudicio morali non tam esset pulchritudinem ostentare, quam homines direcèt ad libidinem alliceret. Secùs est in nudando pectore, vt Caetanus, Fumus, & Nauarrus notant; præseri vbi est ea consuetudo: nam pars illa honesta censetur, nec natura, aut pudor humanus postularit illam absolute tegi. Graue tamen peccatum esset huiusmodi morem introducere vbi id non est consuetum; insolita enim magis mouent: & res ipsa merito ob periculum, etiam vbi est recepta, tamquam illicium libidinis esset abroganda, vt DD. monent.

Notandum tamen, non ex eo censi ornatum 113 scandalosum, quod multi occasione illius putent. Ornatus scandalosus, ad prava desideria prouocandi, vt rectè præscandalosisti DD. tradunt: alioquin etiam pulchritudo sua naturalis scandalosa esset: nam multò magis prouocat quam artificiosa; cum natura longè superet artem. Itaque etiam si femina putet aliquos peccatores, non tamen idcirco sub peccato mortali tenetur talem ornatum dimittere: sicut is qui à multis odio habetur, non tenerur à publico abstinerre vt inimicis non detur occasio odij. Ratio est, Quia ornatus iste solum remotè ad malum prouocat: ergo non tenetur ab eo abstinere ne alij peccent: alioqui perpetuo abstinere deberet, (cum illa occasio sit perpetua & vniuersalis,) quod nimis

mis grāue esset humānae conditioni. sufficit igitur vt ei peccatum proximi displiceat: & illius salutem non contemnat. Et confirmatur; quia quid illi peccant, ex eorum prouenit malitia, non ex condicione ornatus: sicut enim circa hanc peccant, ita etiam circa alias eximiae pulchritudinis: atqui id quod ex aliorum malitia prouenit, non tenemur cum tanto grauamine nostro impedire. secū si aliquo casu ad breue solum tempus ob peculiare periculum alicuius abstinentiam esset: tunc enim charitas postularet vt pro eo tempore tales ornatum superfluum omittam, ne proximus, qui alioquin putatur non peccatus, inde peccandi occasiōnem habeat.

Quarto, Ratione contemptus proximi; vt si quis ita propter ornatum se extollat, vt proximos despiciat, vel affectu ornatus proximi salutem nihil pendar, non curans an scandalizetur, an non.

Quinto, Ratione effectus; vt si ornatus effet illi causa furandi, non soluendi debita, non dando eleemosynam, quando sub peccato mortali tenetur.

Sexto, Ratione affectus; si nimis ita afficiatur ornatus, vt in coelum finem collocet: sive ut paratus sit propterea mortiferè peccare: qui modulus ceteros ferè complectitur.

Nunc ad rationes respondendum. Ad Primam: Patet responso ex dictis; oftensum enim est, id per se non esse scandalosum. Ad Secundam: Non propriè dicitur adulterare opus Dei, quia non facit illud deterius, sed solum facit videri pulchrius. neque id facit intentione emendanda artis diuinæ, vel operis Dei, quæ Dei est; sed splendi defectus naturæ, vel iuuandi opus naturæ, quæ naturæ est. Potest enim naturali pulchritudini aliiquid ab arte apponi, & natura per artem iuuari. Ad Tertiam: Scriptura illæ vel continent ex-

hortationem, cum nullum verbum præceptium habeant; vel si continent præceptum, agitur de illis, quæ se ornabant vt alijs placent, vt notandum Thomas ex Glossa: vel certè propter adificationem Ethnicorum expediebat illo tempore præcipi. Cyprianus vero loquitur de illis, quæ ornabant se propter lasciuiani, vel in contemptum Dcī, vt D. Thomas ad secundum ait; vel quæ id faciebant cum contemptu salutis proximi, quo modo primum eius testimoniū videatur intelligendum. Addo, illis temporibus propter exemplum Ethnicorum, huinsmodi moderationem fuisse magis necessariam, ideoque potuisse à Prælatis Ecclesiæ præcipi. Ad Quartam: Usus vestis alieni sexus non est intrinsecè malus: unde ob causam iustam fieri potest, verbi gratia si alia desit, vel opus sit se occultare ab hoste, vel causâ representationis, vt in comedijis; si ex leuitate fiat, erit peccatum veniale. Nec obstat locus Deuteronomij; quia pertinet ad cærimonias vel politiam illius populi. vide D. Thomam ad tertium, & Caetanum ibidem.

Ex his patet quomodo confessari se in huicmodi gerere debeant: et si enim omnes sint hortandi ad moderandum cultum corporis, totumque externum apparatus iuxta conditionem sui status; (nam verus ornatus Christianorum & Christianarum non fucus mendax, non auræ vestisque pompa, sed mores boni sunt; vt ait diuinus Augustinus epist.73.) non tamen aliquis cogendus est superfluum ornatum deponere, denegata ei absolutione; nisi constet aliunde connexum esse peccatum mortale: quod ex predictis causis est iudicandum.

Hastenus de temperantia; atque hic esto finis totius de Virtutibus cardinalibus tractationis, ad gloriam eius, qui virtutis omnis largitor est, conferuator, adiutor, auctor, & merces.

114
Responde-
tur ad tra-
ditiones.



APPEN-